



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Newe Predicanten Practica/ vnd Prognosticon**

**[Helmstedt], 1592**

**VD16 N 583**

Stier.

**urn:nbn:de:hbz:466:1-35550**

Predicanten

Zum andern / von den zwölff  
Himmel zeychen / sampt iren  
Widungen.

Wider.

**D** Er gibe geizige / vnuersambte Leut /  
die viel begehren / fordern / vnd heischen /  
lassen sich baldt in harnisch jagen / gehen  
geru müßig / reissen gleichwol weit / vnd die so Prædi-  
cantes werden / müssen an viel Drth ziehen dieselben  
zuuerführen / vnd zu deformiren / nach Schmidels art.

Stier.

Gibe schlechte Leut / die nicht wichtige Sa-  
chen aufrichten / sondern sich viel mehr daheim  
des Feldbauens nehren / die Predigkünden macht er  
zu Dorffdöspeln / Wochen schlegeln / Stigelhüpffern  
die sich des Einkommens der Pfarracker nehren /  
seind sorgfeltige mühseltige Bindelwäscher / vnd las-  
sen sich dannoch am geringen genügen / dann sie wol  
wissen daß sie sacerboues, auch das wenig nicht recht  
verdienen / sacerbos, sacerdos. In studijs seind sie vn-  
gelehrt vnd faul / vnd werden kein Reheren aufrich-  
ten / sondern grobe Ochsen bleiben / schlaffen lieber  
drey Stund dann daß sie einem predigten / diese thun  
der

der Kirchen nicht viel schaden/ simplicisten, müste  
auch ein schlechter Teuffel seyn der sie fürchē würde.

## Zwilling.

Bringen fleißige-fröliche/gelehrte/possierliche/  
wolsprechige Köpff/die hohes Gemüts / vnd gute  
Musici seyn/wirt ein solcher Predicant / so schwäzt  
er mehr dann ihm gebürt / vnd sagt vns Pfaffen vnd  
Papisten die Warheit / vnd lesen dann solche Gesel-  
ten nicht Diuum Thomam oder andere Scholasti-  
cos, dann sie meinen/dieweil sie der Dünckel gebissen/  
sie wissen mehr dann alle Vorfahren / drum̄b macht  
man gewönllich superbienten auß inen / da brauchen  
sie dann ihres Zeichens gaben recht/gelehrt vermei-  
nen sie zu seyn/wann sie das chaos (solte sagen Tho-  
mos Lutheri) gelesen haben/Possen reißen sie heym  
Wein vnd in Gastereyen/geschwägig seynd sie/wann  
sie auff's Hölzlin kommen/oder sonst auff irem Mist  
seyn/ein hochtragens Gemüth haben sie durch auß/  
man sagt/die anfenglichen Lutherischen seyen in die-  
sem Zeichen geboren/aber weil die Glaccianer demü-  
tiger seyn wollen/dann sie sich puffen vnd minimos  
(das kleine Heuffel/die wenigsten) respectu Maioris  
& Maximi nennen/darumb haben sie auch andere  
Zeichens influentz.

## Krebs.

Ist ein schröcklichs vnd tödelichs Zeichen zu  
Wasser vnd Landt / drowet gewönllich mehr dann